

Vicky Arens:

Cas di Cultura

Dialuna proximo, dia 14 di september, Cas di Cultura nos Teatro Nacional ta lansa su logo nobo y campaña nacional pa recauda fondo.

E meta ta pa yega na por financia un masterplan arkitectonico pa renobacion y ampliacion di e edificio.

Desde 1958 Stichting Schouwburg ta manehando Cas di Cultura y a pasa door di temponan dificil durante decadanan, pero semper cu e meta firme pa mantene un plataforma pa arte y cultura na

Aruba por sobresali. E logro aki ta di aplaudi y ta danki tambe na gobierno, clientenan, artistanan, fondonan y empleadonan incansabel. Pueblo lo por a ripara cambio na Cas di Cultura su fachada pa por yega na otro tipo di comunicacion visual di loke ta e centro cultural.

A bira tempo pa haci un accion grandi y nacional pa yega na un siguiente fase den e desaroyo di e centro aki, cu a keda statico pa hopi tempo, tanto di locual ta trata su facilidadnan como su servicio. E simannan di recauda fondo

nacional lo termina oficial dia 24 di october cu un 'Benefit Show & Auction' pa cual a haya colaboracion di mas cu 50 artista local den diferente ramo di arte.

Esaki lo priminti di ta un

anochi bunita y ameno, apoyando nos teatro pa bay dilanti. Cas di Cultura ta invita pueblo pa bin presencia e lansamento di e logo y planan nobo pa Cas di Cultura, dialuna 14 di september pa 7'or di anochi. Agrupacion

Fuente tambe t'ey, lansando nan EPK nobo.

Pa esunnan cu no tin acceso na internet y facebook pa confirma nan presencia riba nos lista digital, por busca carchi na Cas di Cultura cu ta gratis. Asiento ta limita. □

